



Broj: 01,02,03,03711-05-1-413/13

Sarajevo, 07.02.2014. godine

## IZVJEŠTAJ

### O POSJETI DELEGACIJE PREDSTAVNIČKOG DOMA PARLAMENTARNE SKUPŠTINE BOSNE I HERCEGOVINE PARLAMENTU KRALJEVINE ŠPANIJE

Delegacija Predstavničkog doma Parlamentarne skupštine Bosne i Hercegovine u sastavu: dr. Milorad Živković, predsjedavajući, dr. Božo Ljubić, prvi zamjenik i dr. Denis Bećirović, drugi zamjenik predsjedavajućeg PD PS BiH, Mirsada Bukarić-Kovačević, rukovodilac Sektora za međunarodne односе i protokol i Igor Bunić, savjetnik, na poziv g. Jesus Posada Morena, predsjednika Kongresa Parlamenta Kraljevine Španije boravila je 30-31.01.2014. godinje u zvaničnoj posjeti Madridu. Tokom dvodnevne posjete, delegacija Predstavničkog doma PS BiH imala je sastanke u Kongresu i Senatu Kraljevine Španije.

#### **Sastanak sa g. Jesus Posada Moreno , predsjednikom Kongresa**

Delegacija Predstavničkog doma PS BiH je u izuzetno srdačnom i prijateljskom razgovoru istakla da postoje velike mogućnosti i potencijali u BiH za dalji razvoj i unapređenje odnosa sa Kraljevinom Španijom te izrazila spremnost građana BiH da nastave ulagati napore u realizaciji svog evropskog puta. Još jedanput je zatražena podrška španskih institucija nastojanjima BiH da ostvari cilj ka članstvu u euroatlanskim integracijama. Posebno je istaknuto zadovoljstvo da su односи između naše dvije zemlje prijateljski, bez otvorenih pitanja, ali da je potrebno stvarati prilike za uspješniju ekonomsku saradnju. U tom procesu parlamentarci mogu dati značajan doprinos iniciranjem i ubrzavanjem potpisivanja međudržavnih sporazuma i protokola. Istaknuto je da su veoma bitini za poboljšanje/unapređenje odnosa između BiH i Kraljevine Španije i Sporazumi o međunarodnom cestovnom saobraćaju, Protokol o sprovođenju potpisanog Sporazuma između BiH i Evropske zajednice o readmisiji osoba koje borave bez dozvole te Sporazum o međusobnoj vojnoj saradnji. G Živković i članovi BiH parlamentarne delegacije su izrazili nadu da će Španija i dalje podržavati euroatlanski put BiH te naveli i veliki značaj saradnje koja bi mogla biti i poboljšana u oblasti turizma i na polju kulture. Također je upućen i zahvalnost za pomoć koju je Kraljevina Španija pružila BiH u ratnim i poratnim godinama. Obostrano je potvrđena i izražena spremnost za dalje unapređenje međuparlamentarne saradnje i putem grupa prijateljstva, komisija i drugih parlamentarnih tijela.

Sastanku su, pored predsjednika Kongresa prisustvovali i g. Teofilo de Luis Rodriguez, četvrti sekretar, g. Manuel Alba Navarro, generalni sekretar, gđa Teresa Orjales Vidal, direktorica Kabineta predsjednika Kongresa, g. Jorge Villarino, direktor za međunarodne односе, gđa Helena Boyra Amposta, direktorica za institucionalne односе.

G.Milorad Živković ovom prilikom uputio poziv g. Jesus Posada Moreno da posjeti BiH što je on i prihvatio.

### **Sastanak sa g. Pio Garcia-Escudero Marquez, predsjednikom Senata:**

Sastanak u Senatu Kraljevine Španije bio je ceremonijalnog karaktera i delegacija Predstavničkog doma PS BiH je primljena po svim pravilima najvišeg ceremonijala u Kraljevini Španiji. g. Milorad Živković, predsjedavajući i vođa delegacije po dolasku u Senat ( zgrada Senata je palača iz 17. stoljeća u neposrednoj blizini Kraljevskog dvora), upisao se u Knjigu počasti i razmijenio poklone sa domaćinima. Zahvalio na iznimno srdačnom dočeku , istakao značaj naših dobrih odnosa, ali da postoji još mnogo prostora i mogućnosti za njihovo unapređenje, naročito na političko-ekonomskom nivou. G. Ljubić je i ovom prilikom zahvaliona pomoći Kraljevini Španiji pruženoj i doniranoj u toku rata u BiH. G. Bećirović je predočio sugovornicima oblasti u kojima bi se mogla unaprijediti ekonomska saradnja, ali i ztražio podršku Senata Kraljevine Španije evropskom putu BiH i nastojanjima da se što prije i BiH nađe u velikoj evropskoj porodici.

G. Pio Garcia-Escudero Marquez s posebnim pijetetom naglasio da je BiH prijateljska zemlja, da pozitivna osjećanja prema BiH dijeli najveći broj Španaca te da BiH može računati na špansku podršku na putu svog napretka i razvoja. Prihvatio je poziv da posjeti Bosnu i Hercegovinu.

Delegacija Predstavničkog doma PS BiH je posjetila i Ambasadu BiH u Madridu i tom prilikom informirana o potrebi poboljšanja saradnje u UNWTO, i potpisivanju Ugovora o priznavanju vozačkih dozvola, značajnim za bh dijasporu u Španiji.

Zapisnik sačinila:

Mirsada Bukaric-Kovačević

Dostaviti:

- Kolegiju Predstavničkog doma PS BiH
- Kolegiju Sekretarijata PS BiH
- Komisiji za vanjske poslove PD PS BiH
- Sektoru za odnose s javnošću
- a/a